




ხაშურის მუნიციპალიტეტის საკრებულო



განკარგულება № 141

2016 წლის 19 დეკემბერი

ხაშური

ბავშვთა და მოზარდთა ფიზიკური აღზრდისა და გაჯანსაღების, ცხოვრების
ჯანმრთელი წესის დამკვიდრებისა და განვითარების ხელშეწყობის
პროგრამის დამტკიცების შესახებ

ხაშურის მუნიციპალიტეტის ტერიტორიაზე მცხოვრები მოზარდების სხვადასხვა სპორტულ ჯგუფებში გაერთიანების, ინტენსიური წვრთნის პროცესის მიმდინარეობის, პერსპექტიული სპორტსმენების გამოვლენის და ზოგადად, ახალგაზრდა თაობაში ცხოვრების ჯანსაღი წესის დამკვიდრების მიზნით საჭიროა დამტკიცდეს „ბავშვთა და მოზარდთა ფიზიკური აღზრდისა და გაჯანსაღების, ცხოვრების ჯანმრთელი წესის დამკვიდრებისა და განვითარების ხელშეწყობის 2017 წლის პროგრამა“.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-3 და მე-4 პუნქტების, 61-ე მუხლის 1-ლი და მე-2 პუნქტების შესაბამისად, ხაშურის მუნიციპალიტეტის საკრებულო ადგენს:

1. დამტკიცდეს „ბავშვთა და მოზარდთა ფიზიკური აღზრდისა და გაჯანსაღების, ცხოვრების ჯანმრთელი წესის დამკვიდრებისა და განვითარების ხელშეწყობის პროგრამა“ საერთო ბიუჯეტით 274 900 (ორას სამოცდათოთხმეტი ათას ცხრაასი) ლარი დანართი №1 შესაბამისად (დანართი №1 თან ერთვის 2 ფურცლად).
2. განკარგულება აღსასრულებლად გაეგზავნოს ხაშურის მუნიციპალიტეტის გამგეობას.
3. განკარგულება ძალაში შედის 2017 წლის 1 იანვრიდან;
4. განკარგულება შეიძლება გასაჩივრდეს დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით ხაშურის რაიონულ სასამართლოში (მის: ხაშური, მ. კოსტავას ქ. №15).

საკრებულოს თავმჯდომარე

ვაჟა შუბითიძე

**ბავშვთა და მოზარდთა ფიზიკური აღზრდისა და გაჯანსაღების, ცხოვრების
ჯანმრთელი წესის დამკვიდრებისა და განვითარების
ხელშეწყობის პროგრამა**

1. პროგრამის მიზანი

პროგრამის მიზანია ხელი შეუწყოს ქალაქსა და სოფლად მოზარდების სხვადასხვა სპორტულ ჯგუფებში გაერთიანებას, ინტენსიური წვრთნის პროცესის მიმდინარეობას, რაც იქნება ახალგაზრდა თაობის ცხოვრების ჯანსაღი წესის დამკვიდრების და ფიზიკური სრულყოფის საფუძველი. ხაშურის მუნიციპალიტეტის ტერიტორიაზე ფუნქციონირებს ერთი არასამეწარმეო (არაკომერციული) იურიდიული პირი ქ. ხაშურის კომპლექსური სასპორტო სკოლა, სადაც მიმდინარეობს სწავლება სპორტის 12 ძირითად სახეობაში. მეცადინეობები მიმდინარეობს მუნიციპალიტეტის მთელ ტერიტორიაზე.

აღნიშნული პროგრამის განხორციელებას საფუძვლად უდევს საქართველოს ორგანული კანონი „ადგილობრივი თვითმმართველობის შესახებ“, საქართველოს კანონი „სპორტის შესახებ“.

2. პროგრამის არსი

ადგილობრივი თვითმმართველობა აღნიშნული პროგრამით ხელს უწყობს, პირველ რიგში, მოზარდთა ფიზიკურ გაჯანსაღებას, მათი ქუჩისა და მანვე ჩვევებისაგან მოწყვეტას, პერსპექტიული სპორტსმენების გამოვლენას და მათ მომზადებას ეროვნული ნაკრებებისთვის. ამასთანავე, ქმნის და ავითარებს სპორტის სხვადასხვა სახეობებისათვის მატერიალურ-ტექნიკური საწვრთნელო ბაზებს. მუნიციპალიტეტის ბიუჯეტიდან გამოყოფილი სახსრები ხელს შეუწყობს აღნიშნული დაწესებულების ფუნქციონირებას, მომუშავეთა შრომის სტაბილურ ანაზღაურებას და დამსახურებულ მწვრთნელთა (რომელთაც შესაბამისი ფედერაციებიდან მიეცემათ დამსახურების მოწმობა) წახალისებას, რომლებიც აღზრდიან საქართველოს, ევროპისა და მსოფლიო ჩემპიონებს დიდებში ან გუნდურ სპორტის სახეობებში გაზრდიან ეროვნული ნაკრების წევრებს.

3. პროგრამის ხანგრძლივობა

პროგრამის მოქმედების ხანგრძლივობაა 2017 წლის 1 იანვრიდან 2017 წლის 31 დეკემბრის ჩათვლით.

4. პროგრამის ბიუჯეტი

პროგრამის დასაფინანსებლად გამოიყოფა 274 900 ლარი, რომლითაც დაფინანსდება ჩასატარებელი საათები სპორტის შემდეგ სახეობებში: ქ. ხაშურში: ჭიდაობა ძიუდო (2 ჯგუფი), ჭიდაობა სამბო (2 ჯგუფი), თავისუფალი ჭიდაობა (5ჯგუფი), ბერძნულ-რომაული ჭიდაობა (1ჯგუფი), ჭადრაკი (2 ჯგუფი), კალათბურთი (6 ჯგუფი), ფეხბურთი (15 ჯგუფი), ჩოგბურთი (1 ჯგუფი), ძალოსნობა (2 ჯგუფი). რაგბი (3 ჯგუფი), ბატუტზე ხტომა (2 ჯგუფი)

ასევე მეცადინეობები ჩატარდება დაბა სურამში: ჭადრაკი (1 ჯგუფი), ძიუდო (1 ჯგუფი), ფეხბურთი (1 ჯგუფი), რაგბი (2 ჯგუფი), სოფლებში: სოფ. ვაყაში – ქართული ჭიდაობა (2 ჯგუფი), ძიუდო (1 ჯგუფი), სოფ. ალში – ქართული ჭიდაობა (2 ჯგუფი), ძიუდო (1 ჯგუფი), სოფ. გომში – ჭადრაკი (1 ჯგუფი), ფეხბურთი (1 ჯგუფი), სოფ. ოსიაურში – ქართული ჭიდაობა (2 ჯგუფი), სოფ. ცხრამუხაში – ფეხბურთი (2 ჯგუფი), სოფ.

ბროლოსანი – ჭიდაობა ძიუდო (1 ჯგუფი); სოფ. კლდისწყარო ძალოსნობა (1 ჯგუფი), სოფ. ფლევში – ფეხბურთი (1 ჯგუფი), სოფ. ქვიშხეთში – ფეხბურთი (1 ჯგუფი).

5. პროგრამის მოსალოდნელი შედეგი

ახალგაზრდებში ცხოვრების ჯანსაღი წესის დამკვიდრება;
სპორტულ გამაჯანსაღებელი ღონისძიებების ორგანიზება;
სხვადასხვა დონის სპორტულ შეჯიბრებებში მონაწილეობის უზრუნველყოფა.

6. შეფასების ინდიკატორი

სხვადასხვა დონის ტურნირებზე წარმატებულ სპორტსმენთა რაოდენობა.